

Das umbreiten und der tanntz sollen inn doctoratibus abgestelt und dieselbige unkost erspart werden.

Deßgleichen sol man die hentschen und paret auch nicht mehr geben unnd der doctorand soll alleine rectori universitatis unnd den promotoribus itzlichen ein
5 paret und ein par hentzschen geben.

Famulis universitatis sal ein itzlicher doctorande wie vor alders funff gulden geben.

Magistranden.

Item die magistranden sollen uberdtz kein essen geben; dann alleine in delacione, condelacione magk einer tischgeste laden, doch also das er ine auch nicht mehr
10 dann funff essen, einerlei schlechts weins und zweierlei bier geben soll. Und ab vil magistrandi bey einannder, sollen sie dannoch nicht mehr dann ein tisch wie angezeigt geste haben.

Item von dem so im prandio Aristotelis uberpleibt soll man den examinadoribus
15 wann sie rechnung halden ein collacion machen und darzu auch nicht mer dann einerlei schlechts weins und zwaierei bier geprauchen.

234.

*Bericht der polnischen Nation an Herzog Georg über gewisse mit der Universität vorzunehmende
Veränderungen.* [Zwischen 1502 und 1537.]

20 *Hdschr.: Or. Hauptstaatsarchiv Dresden, Universität, Raths und andere Händel 1367—1537 loc. 10532 fol. 424—425. Von dem aufgedr. Siegel sind nur noch einige Reste vorhanden.*

In nomine domini. Amen.

Durchlauchter hochgeborner furst, gnediger herre. Uff entphel aier f. g. der gebrechen | unnd irrung halben, die sich in dießer aier f. g. universitet eyne czeit lang
25 iröugent, dießelben auch hinfurder zu vorkommen, thut nacio Polonorum diesse undirrichtung, teilende | obgnante gebrechenn in drey teill, als nemlich des regiments halben, der lere unde der ziten.

Der irst artikel des regiments halben.

Bedenckit natio Polonorum das iß gut wêr, das hinfurder seniores unnde eldistenn
30 dy do witzig unnde irfarenn wernn in rectores eligirt unnd erwelt wurden, welchem vier executores auß den sallariaten zuverordent seynn suldenn, die sich alle iar noch ordenung ires aldirts sich abewechseln, so auch dem rector beystendig, uff das nicht alle wege auch nicht alle liberlich sachen liderlich ann die vorsammellung gantzer universitet gelangitte, wenn auß derselbin vorsammellung ist allezzeit mêr irrung unnde geczenck wenn gutte
35 irwachßen, welche executores auß den sallariaten allezzeit a. f. g. ubir das regiment der universitet mêr schuldig seynn rechnung zu thun, denn andere nicht sallariaten, welche executores nicht mêr zu thun hetten, denn alleyne was das consilium unnd assessores nicht berichtenn unnde ann sye gelangenn ließenn. Item is sulde auch der rector zampt